



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Christ. Francisci Paullini, Ferrariâ-Thuringi, Rerum Et  
Antiquitatum Germanicarum Syntagma**

**Paullini, Christian Franz**

**Francofvrti ad Moenvm, 1698**

LVIII. Reinhartus

**urn:nbn:de:hbz:466:1-44860**

& diripiebatur, ut planè nesciret *Johannes*, quò se verteret. Is tamen ponens in DEI auxilio spem & fortitudinem suam, suos fortiter defendit. AD. MCCCIII. *Balthasar*, Landgravius Doringiæ, acquirit sibi castrum *Gersingen*. AD. MCCCXIV. erat in Concilio *Constantiensi* magna cum auctoritate & usua. Patres congregati audientes de insigni bibliotheca *Fuldensi*, rara aliquot volumina MSta acceperunt ex ea, secumque asportarunt cum detrimento Monasterii. AD. MCCCXCVIII. *Bonifacius* Pàpa IX. licentiam dederat feminis in templum *Fuldense* majus ingredi, quod ante hoc tempus inauditum erat. Sed mox exustum est templum à fulmine. Nemo tamen hanc temeritatem Papæ corrigere voluit. Fieri etiã fecit *Johannes* campanam majorem, *Osanna* dictam. AD. MCCCC. *Brückenau* ex præsentissimo hostium periculo mirabiliter liberatur. AD. MCCCXX. Capitulum fuit *Fulde*, à Sacro Ordine nostro indictum. Reformavit utiliter, multa paravit ornamenta & vasa ecclesiastica, reparavit ædificia ruinosa, & in cunctis bene prospexit Ecclesiæ suæ. Senex nunc & debilis cum consensu Fratrum Coadjutorem sumit *Hermannum* de *Buchenavia*. At pediculos posuit in togam suam. Mox enim optimum Senem ex nova arce Sede pellebat sua in villam *Ottershusen*, ipse interim in omnibus dominatus est securè & superbè. Ad partes suas traxerat *Hermannus* Maguntinum *Conradum*, & propinquos suos, aliosque, *Johannes* verò Landgravium Doringiæ, & fortuna mutavit vela sua. Pax tandem facta per Legatum Apostolicum. Solus ergò *Johannes* operâ *Ludovici*, Landgravii Doringiæ, restitutus, præfuit postea annos aliquot inter utramque fortunam laudabilis Pater. Moritur AD. MCCCXL. Prælaturæ XLV.

## LVII.

*Hermannus*  
II.

E familia de *Buchenovia*, Præpositus *S. Johannis*, & olim Coadjutor electus, primo statim Prælaturæ anno Marcham *Wedderaviam* Comitibus de *Nassau* primò oppignoravit, deinde summo cum Ecclesiæ damno vendidit. Voluit id quidem postea aliquantulum restituere, & fratribus è memoria evellere, dum disciplinam monasticam apud *S. Johannem* introduceret, istudque monasterium ædificiis, possessionibus aliquot & piscinis ornaret & dotaret. Sed non erat æquivalentia. Moritur AD. MCCCXLIX. Prælaturæ suæ infelicis IX. Jacet in eodem Monasterio *S. Johannis*.

## LVIII.

*Reinhartus*

## LVIII. REINHARTUS.

E familia Comitum de *Wilnau*, omnium votis eligitur AD. MCCCXLIX.



MCCCCXLIX. Professus Fuldenſis. Primo electionis annò *Ervensbergam* occupavit. Sequentè anno caſtrum *Urtzel*. Multas inſidias, pericula & moleſtias fecerant ei adverſarii, conſilio tamen & auxilio divino omnia effugit, vicit & ſuperavit. AD. MCCCCCLIII. hoſpitale ad *S. Leonard.* cœptum eſt. Ultimus Comes de *Zigenhayn & Nidda* moritur. Jacet *Hayna* in monaſterio Ordinis Cifterciënſis. Sic uterque Comitatus ad Landgravium de *Haffia* venit. AD. MCCCCCLXVI. templum parochiale in *Fulde* cœptum eſt. Monaſterium *S. Petri* in monte ad regulam S. P. N. B. reformatur. Sequentè anno opidum *Geys* occupat Landgravius de *Haffia*, ſed cives nolebant fidelitatem juramento promittere. In ſenio ſuo AD. MCCCCCLXXII. Prælaturæ XXIII., cum conſenſu Capituli, Coadjutorem ſibi fecit *Johannem*, Principem de *Henneberg*, quem diu tentaverat & probaverat in ſecunda & adverſa fortuna. Supervixit adhuc quatuor annos. Moritur cum gloria AD. MCCCCCLXXVI. Prælaturæ XXVII.

## LIX. JOHANNES II.

LIX.  
Johann. II.

Ex antiqua familia Comitum de *Henneberg*, quos poſtea *Henricus* Imperator AD. MCCCX. die *S. Jacobi* Apoſtoli Principes fecit. Erat *Wilhelmi* hujus nominis IV. filius ſecundo genitus, AD. MCCCCXXXIX. in feſto Viſitationis *B. Mariæ*. In pietate, ſtudiis & ludis equeſtribus bene educatus & exercitatus, maturiori ætate varias inviſit regiones. Factus poſtea variarum Eccleſiarum Canonicus, *Maguntina*, *Coloniënſis*, *Trevirenſis*, *Argentinenſis*, *Papenbergienſis*, in auctoritate magna ubique. Cùm ei vita monaſtica, ſpecialiter Ord. S. P. N. B., placeret, magnam habuit amicitiam ubique cum Prælatis, in ſpecie *Reinharto* Fuldenſi. Hic AD. MCCCCCLXVII. à Miniſterialibus ſuis, & poſtea à Landgravio de *Haffia* bello laceſſitus. *Johannem* de *Henneberg*, animoſum juvenem, copiis ſuis præfecit, qui etiam Eccleſiæ Fuldenſi opidum *Geys*. reddidit, hoſtesque validè cepit & proſtigavit. Sic familiarius cum *Reinharto* converſabatur, qui medullitus eum amabat. Factus nunc *Reinhartus* præ ſeneſtute debilis & torpidus, cum conſenſu omnium *Johannem*, Capitaneum antea ſuum, nunc Coadjutorem ſuam denominavit AD. MCCCCCLXXII. *Johannes* poſtea habitum ſumſit monaſticum, vitamque militarem planè immutavit honeſtioribus moribus & magno pietatis zelo. Multi abusus inſecerant Clericos: ille igitur totam Diœceſin reformare volebat, ſed crabrones irrita-

(Ooo) 2

vit. (1)